

上元大素三元君道经第八

“

上元大素三元君道经第八

上清大洞真经卷之二

茅山上清三十八代宗师蒋宗瑛校勘

泥丸上一赤子章

谨请泥丸天帝君上一赤子玄凝天真炁，字三元先，常守兆泥丸九孔之户死炁之门，使兆泥丸玉坚，金曜映真，体生宝光，九孔受灵，令七祖父母长得安宁，解脱宿罪，共登上清。

真思泥丸天帝君上一赤子玄凝天真炁，宝光之色，罩于顶上，默咒曰：

上一赤子号上真，飞云羽衣曜紫烟，上招门景对帝宾，宝光奕奕映我身，身生羽翼升九天。



次思宝光从兆泥丸中入，兆乃口吸神云，咽津三过，结作三神，状如三清，紫衣冠，下入绛宫，穿两膀胱尾闾穴，上入脊髓，穿第一椎骨，入泥丸内宫，顺时吐息。

诵玉经。

大洞玉经曰：

太素三素母三华炁，晨灯玉清光广灵堂上清房名，玉宾表玄籍，守命孩道康桃康名，徊风散万魔，金符召度卿神名，辅卫地户内，保此长生王真成。

高上清魔玉清王祝曰

童子景精太微名，有神有威，合象三形，九道相推，衣服朱丹，步武参嵯，出入上元，太极北极辰星内阶，知我者长生，存我者不衰，人无哭兆，恃赖辟非，欲知吾处，密问太微，太微玉帝，三圣徘徊，使我左右，一合俱飞，混洞六府，日月齐晖。

太上玉清王祝曰：

九道九星转对，五老五神各宁，洞阳白元衔籍，号曰郁灵白元君名，七世父母，反胎更生，累叶积罪，罪泄福生，上入帝室，受书丹明书名，常与伯史原下一真元王，徘徊三界庭，巾金佩羽，宝曜负形，玉轮北回，役御朱兵。

毕，乃口微祝曰：

天上内音，明柱子，会和存。地上外音，扶天命，登明曜。

大洞泥丸天帝君上一赤子消魔玉符

诀曰：当朱书黄缙佩之，存呼赤子内讳名字，镇我泥丸之中，令死炁沉藏，七祖升飞，上宴帝堂。乃叩齿九通，次咽液三过。



🕒版本号 #1

★由 上清持伟 创建于 16 九月 2022 10:13:17

✍由 上清持伟 更新于 16 九月 2022 10:14:32